



MONTELLO

5-11 Agosto

2007

7 giorni

giro



del MONVISO




## Un bel Trekking sul Monviso col GSA Montello dal 5 all'11 agosto 2007

(ballata semplice di 29 pellegrini + uno)

Son partidi in ventinove,  
tuti quanti son tornà;  
la paura ze stà granda  
quando che se à programà  
el gran "Giro del Monviso"  
par i amisi del Monteo,  
che i veniva da Treviso  
e dai posti che ze qua.

Za nel vegnar coa coriera  
qualche riscio avon ciapà.  
Par fortuna che el bon Lino  
la so pratica la gà.



Cominsiemo za de bota  
far contento el nostro Piero,  
che, par far riscaldamento,  
el ne copa sul sentiero.



Un bel riposo al Mélézé,  
che ne speta un po' de strada,  
par rivar al Maljassét,  
dopo squasi na zornada.

Prima crisi del "gireto"  
ala Nadia ghe à tocà,  
forse colpa del pranseto  
che aea matina la gà fat.

Par fortuna che el soccorso  
el gà proprio funsionà:  
prima Paolo, Giani e, dopo,  
el Luciano ze rivà.

Se el dì prima ze sta longo,  
no ve dise el di de unquò!  
Par detagli ve propongo  
che a Daniela parle un po'.

Ben o mal semo arivadi  
al Rifugio "de l'Agnel"  
che, se fuse sta "dea Vaca",  
'ndava bene pure quel.



Docia calda, sena e in leto  
che i pì forti partirà,  
lesti lesti, gambe in spala,  
pal Rifugio del "Visò".

E noialtri, deboleti,  
meza strada se farà,  
anca se basta quel trato,  
par ciapar na tempestà.

El disagio, tuto quanto,  
el se gà subito siolto,  
quando che son stati acolti  
dal camin del "7 degréès".

Na magnada strepitosa,  
un gran leto da signori,  
cosa vuto ancor de mejo  
par scaldar i nostri cuori.

Via col cuor pien de calore,  
che, pian pian, el se à sorà  
col gran vento che el Monviso  
zo dal Nord el ne à mandà.

Ma pì freddo ancor ze sta  
l'acoliensa nel Rifugio,  
che el pareo proprio studià  
par far vivar nel disagio





quei che ze pasà par là.  
Par no star parlar a vodo  
basta domandarghe a Piero  
come che a ze 'ndà col ciodo.

Magna e in leto, senza luce,  
soto i fiocchi che veniva,  
par svejarse la mattina  
co la neve che querseva  
tuti i fior, l'erba, i sentieri,  
che pareva inverno pieno.  
Zera bel, ma bel davvero;  
da restar par sempre qua.

Balegando a neve bianca  
pian pianin semo 'ndà su,  
coa Daniela sempre stanca,  
ma co un poc de susta in più.

Dopo el "Buso del Monviso"  
in Italia son tornà,  
col pensier dei elefanti:  
"come ai fat pasar par là"

Anca el "Viso" ze imbiancado;  
chi sa se i sarà 'ndà sù  
i pì forti, o se giudizio,  
i gà avuo restando zo.




Eco in fondo al "Pian del Re",  
dove nasce el nostro Po,  
vedon tuto el Comitato  
che ne speta, caldo al sol.

Basi, abbrassi e gran saluti,  
na bevuda al Fiume sacro  
e po' sù, par quatro ore,  
a far l'ultima fadiga,  
che a ze subito svanida  
al veder "Sella", el Rifugio,  
su la costa, coi dò laghi,  
che el pareva incoronà;  
da na parte dal Monviso,  
finalmente desquercià  
e, da l'altra, daa pianura  
granda come no se sa.

Na magnada a ranghi uniti,  
co un pochin de confusion,  
po' sui leti a baldacchino  
a combatar contro el son.

Qualche d'un se à alsà de note  
par veder se casca e stele;  
poche proprio e ze cascae,  
par finir che, quee pì bele,



le gà viste chi le bote  
sul letin le gà ciapae,  
porconando silensioso  
par no disturbar de più.



El di drio ze na zornada  
che pì bela no se pol,  
vien da pianzar, quando a strada  
riciapemo pa 'ndar zo.

Freschi come el primo giorno,  
qualcheduno ancor de più,  
se vardemo ancora intorno  
par portarse a casa tut.

Lunga e dolze la discesa,  
co na sosta pai ometi  
e qualche altra a respirar  
l'aria bona che perdemo.

Puntual, come le tasse,  
ne spetava el pulman blù,  
co la Bepa e la sorela,  
par festa ancor de più.

Un lavaggio sul torente  
el pic nic, co tanto vin,  
la sopressa, i pevaroni,  
el gelato par finir.



Sete giorni, i pareva tanti,  
ma i ne ze presto svolà;  
de sicuro tuti quanti  
tornaren: de qua o de là.

Ve saludo cari amisi  
el pensier ve ciapa tuti:  
**Lino e Giani, Nello, Ivana**  
col mario l'Emanuele,


**Fortunato**, coe vesighe,  
**Carlo** che sempre lui Cera,  
**Claudio** fonte de Calore,  
e **Livieto** capo fila.

Le copiete de sposeti:  
**Bruna, Otavio, Carla e Dorino**,  
che i ze stai parfin braveti.

**Piero e Giana**, che el programa,  
questa volta li à divisi.

Un pensiero ai Trevisani:  
prima e done coa **Daniela**  
un pocheto cocolada,

po' la **Nadia** e infin la **I Ide**,  
che coi forti la ze stada.  
Par no dire del **Giampiero**  
che el scriveva tuto el dì





e finendo col **Tiziano**,  
(San Gregorio salvatore)  
pien de fame, col **Luciano**,  
sempre in serca de magnar.

Resta ancor tre bee signore:  
la **Francesca**, scatenada,  
la **Loreta** e a **Vitorina**  
co un pochin de calma in più.

Un basìn ala mascote  
che, quest'ano, a zera forte,  
da jutarghe al genitore,  
che, de scarpe, el vea le scorte.

Cara **Claudia** te saludo,  
basa ti, par mi, l'**Alfiero**.

Mi, pa intanto, paso e chiudo  
ricordando **Andrea** e **Paolino**,  
che i finise drio dea fila;  
pol sucedar, no ze strano.  
**Walter** struca tuti quanti  
e ve speta st'altro ano.

Biadene 6 settembre 2007

